



DEO OPTIMO MAXIMO
UNI ET TRINO,

VIRGINI DEI-PARÆ, ET S. LUCÆ;

Orthodoxorum Medicorum Patrono.

QUÆSTIO MEDICA*,
QUOD LIBETARIIS DISPUTATIONIBUS
manè discutienda in Scholis Medicorum, die Jovis quartâ mensis
Martii, anno Domini M. DCC. LXXIX.

M. LUDOVICO-CAROLO HALLOT,
Doctore Medico, Præsîde.

*An quæ statim à menstruâ purgatione concipiunt, citius ** pariant?*

I.

UTERUS qui continendo perficiendoque fetui dicatus est, idcirco perpetuo ferè sanguinis affluxu madescit, quamdiù ferendæ proli apta est muliebri ætas; sanguis verò ut accommodatam effingendo alendoque fetui materiam præbeat, sic muliere in utero non habente sensum illic congeritur, nullo imperfectioris sexûs aut frigidioris temperamenti argumento, sed sapienti naturæ consilio hominum generi consulenti: attamen si cæptis illa excidat, vim utero

* Prop. anno 1716.

** Id est felicitas.

D

insevit, quâ humorem morâ accrescentem & quantitate, vel qualitate gravem statim effundit plures, si hæserit, tum animi, tum corporis morbos pariturum: inde fit ut nullâ expectatâ lunæ periodo, aliâs sapitis, aliâs infrequentius redeat quæ ferè dicitur menstrua mulierum purgatio, quam sola & singularis uniuscujusque natura promovet, dum sui sit juris; sicut motus omnes qui tempestivè humano in corpore cientur neutiquam vel soli, vel lunæ, aliisve syderibus referendi. Solemni autem, qui sit per uterum, humorum omnis generis secessu exhiberatur natura & quicquid demum muliebribus in locis meditatur, quo purgatori in utero id elaborat, eò longè alacrius & citius defundtura est.

I I.

CONCEPTIO actio uteri propria est, partus difficillima. Illa feminis arctius comprehensi insitam, & ab ipsis hausam parentibus vim formatricem exsuscitat, quâ mox successurus animus utatur ad disponendas domicilii sui partes quarum ipse Architectus est. Pluris verò in fetu refert quo primum condatur in loco. Uterus materno sanguine distuens semen non rarò extinguit, aut fetum imbellem ex eo generat, post tristiora longinquæ graviditatis fastidia cum suo tum foetus periculo nasciturum, quique originis vitium plures in annos servaturus est & puerilibus morbis acius conflictandus. Adveniente ejusdem purgationis tempore, si utero gerere cæperit mulier, haud multò melius conceptus fiet, nam semen prævio mensium mucosâ obstita vasorum uteri orificia faciliè dimittunt; sanguis autem cum eruperit rudem adhuc & teneram genituram subruet, atque fuliginoso in loco posita vix benè inchoati operis fundamenta, & quandiu uterus fluit nutantia moras naturæ obijciunt semine obruto languescenti, quæ adeò tardius longè plurimorum motuum seriem absolutura est, quò segnius primos & præcipuos aggressa fuerit.

I I I.

STATIM à menstruâ purgatione, defæcato sanguine, calor & spiritus ubique purius emicant. Uterum hujus boni principem tum si pupugerit veneris stimulus, ille avidius prolectum semen arctissimo complexu retinet & occluso ostio illic uni studet adornando conceptui: tunc verò futuro homini natura sic providet, ut ab ipsis primordiis robur animique ducat, quibus suo tempore uteri se vinculis liberabit. Eò enim omnia conspirant, & inclinum ut properet, artificem incitant, recenter eliminatis sordibus, optima uteri temperies nitentia ejusdem acetabula & apprehendendis fetus conceptaculis maxime idonea, Utrique semini insidens spiritus genitor, eoque vicens magis, quò nitidiora illapsus in loca, confestim aulæ obducit asuturo mox inquilino, atque ex cas-

3
fiori commixtorum seminum parte geminum parat fetui involucrum. Jam fervet
intus opus, & trina humanæ molis principia surgunt quæ servatâ primæ con-
stitutionis vi, citius atque æquo passu ad finem progressa, vegetiorem prolem
mox data sunt, & septimo menie nascituram aut noni primis diebus.

I V.

TAMETSI quovis tempore mulier prolem ferre possit, etiam utero se-
tum jam grandiore continentē, sua tamen conceptui, sua quoque partui
adest tempestivitas; utraque à diverso uteri habitu repetenda. Nam cum ille
ab omni expellendi conatu conquievit, & ita comparatus est ut facile sese con-
trahat, atque circà conceptam comprehensamque materiam obvolvatur; tunc
ferendæ proli aptissimum est tempus: contraria est ratio tam partus quàm men-
sium. In his apertis passim ostiis ubique laxatur uterus; in illo totum se effundit,
ut omnes foras protrudat: sed hanc pariendi difficultatem multum levare solet
una res, si eodem tempore partus inflat, quo, consuetâ excretionē, fluebat
uterus, quod certè fieri non potest, nisi, illà statim elapsâ, mulier conceperit.

V.

MULTA partum accelerant & indictum nascendi diem repræsentant, im-
primis juvenilis ætas, quæ robusta valensque natura, quicquid super-
fluum est funditis expellit, tamque curatum uteri sinum præstat, ut si semen
eò inciderit confestim ali atque augeri necesse sit. Adolescentularum, quia ple-
rumque incertâ periodo menses fluunt, imbecillior conceptus, tardior partus
esse solet. Ætas provectior liberos generat *μελανχολικωτερος*, brevioris ævi,
sagacioris ingenii; & post longa gestationis tempora, cunctanter ex utero pro-
deuntes. Tempestatum quoque vicissitudini, cæli, solique diversitati non leviâ
insunt momenta ad partum ocibus seriùsque edendum. Perflante Boreâ tam ad
concipiendum, quam ad pariendum paratiores sunt feminae. Concreto sub cælo,
& humidioris plagæ incolis difficilior conceptus; diuturna gestatio, abortus
frequentior: sed isthæc omnia laborantis uteri non innoxia sunt irritamenta,
aut nisi maturo fetui succenturientur, vana sæpè incitamenta. Unius est naturæ,
quæ cujusque ortum semine atque menstruo sanguine inclusit, utriusque motus
omnes & progressus sic regere, ut sollicita matrum vota tam felici quam cito
partu beaverit, cum optimè se habente utero prolem susceperint: at nunquàm
utero melius est quàm statim à menstruâ purgatione.

*Ergo quæ statim à menstruâ purgatione concipiunt, citius * pariunt.*

* Id est felicius

N O T U L Æ.

Nonne, 1^o. *utrique semini infidens spiritus genitor* (§ 3) adhuc problema?
 2^o. Inter futuræ longævitatis signa, primas apud H. BOHERRAAVE (*inst. med.*
 « §. 885). Tenet conceptus ex parentibus sanis, vegetis, plenæ ætatis, rarâ
 » sed fervidâ venere utentibus ». Porro numquam fervidior venus quam ritè
 expurgato utero, nempè effluxis catameniis.

DOMINI DOCTORES DISCIPLINÆ MAGISTRI.

M. Guillelmus - Josephus DE L'EPINE, Antiquior Scholarum Magister, Antiquus Facultatis Decanus, Academiæ Censor.
 M. Guillelmus FUMÉE.
 M. Augustinus ROUSSEL DE VAUZESME.

DOMINI DOCTORES DISPUTATURI.

M. Joannes-Franciscus MARI-
 NIER.
 M. Ludovic.-Carolus HALLOT,
 Alîus Præfes.
 M. Joannes-Baptista LE ROUX
 DES TILLET.
 M. Joann.-Armand. ROUSSIN
 DE MONTABOURG.
 M. Natalis-Nicolaus MALLET.
 M. Franciscus-Ludovicus THO-
 MAS D'ONGLÉE.

Proponebat Parisiis PETRUS LASERVOLLE, ex agro Petrocorienti;
 Doctor Medicus Monspelienfis, Serenissimi Comitis Atrebatum Consiliarius
 Medicus, necnon Saluberrimæ Facultatis Medicinæ Parisiensis
 Baccalaureus. A. R. S. H. 1779. AB OCTAVA AD MERIDIEM.